



শেখ হাসিনা'র মূলনীতি
গ্রাম শহরের উন্নতি

নম্বর: ৪৬.০০.০০০০.০৭০.১৪.০০১.১৫(অংশ-১).৩০০

তারিখ: ০৮ চৈত্র ১৪২৭
২২ মার্চ ২০২১

পরিপত্র

বিষয়: বাংলাদেশের নগর এলাকায় প্রাথমিক স্বাস্থ্যসেবা, পুষ্টি ও পরিবার কল্যাণ সেবা প্রদানে স্থানীয় সরকার বিভাগ, স্বাস্থ্য ও পরিবার কল্যাণ মন্ত্রণালয় এবং স্থানীয় সরকার প্রতিষ্ঠানসমূহের দায়িত্ব ও ভূমিকা।

বাংলাদেশের নগর এলাকায় (সিটি কর্পোরেশন ও পৌরসভা) প্রাথমিক স্বাস্থ্য সেবা, পুষ্টি ও পরিবার কল্যাণ সেবা প্রদান কার্যক্রম বাস্তবায়ন নিশ্চিত করার লক্ষ্যে নিম্নবর্ণিত ব্যবস্থাপনা অনুসরণীয় হবে:

(ক) জনবল কাঠামো প্রণয়ন, পদ-সূজন ও পদায়ন:

১. প্রতিটি পৌরসভায় প্রধান নির্বাহী কর্মকর্তা পদে বিসিএস (প্রশাসন) ক্যাডারের কর্মকর্তা পদায়নের জন্য পর্যায়ক্রমে উদ্যোগ গ্রহণ করতে হবে। পৌরসভার প্রধান নির্বাহী কর্মকর্তা হিসাবে পদায়নকৃত কর্মকর্তাদের বেতন-ভাত্তাদি স্থানীয় সরকার বিভাগ হতে নির্বাহ করার ব্যবস্থা গ্রহণ করতে হবে। প্রধান নির্বাহী কর্মকর্তা পদে কর্মকর্তা পদায়ন না করা পর্যন্ত জনপ্রশাসন মন্ত্রণালয়ের সাথে আলোচনাক্রমে দেশের সকল জেলা সদরের পৌরসভার প্রধান নির্বাহী কর্মকর্তা পদে সংশ্লিষ্ট জেলা প্রশাসকের কার্যালয়ে কর্মরত একজন ‘সিনিয়র সহকারী কমিশনার’ বা ‘সহকারী কমিশনার’ কে তাঁর নিজ দায়িত্বের অতিরিক্ত দায়িত্ব প্রদান করা যেতে পারে। এ বিষয়ে জনপ্রশাসন মন্ত্রণালয়, অর্থ বিভাগ ও স্থানীয় সরকার বিভাগ কার্যকর ব্যবস্থা গ্রহণ করবে।
২. স্থানীয় সরকার বিভাগ স্থানীয় সরকার প্রতিষ্ঠান ও স্বাস্থ্য ও পরিবার কল্যাণ মন্ত্রণালয়ের সাথে সমন্বয়ের মাধ্যমে সকল সিটি কর্পোরেশন এবং সকল শ্রেণীর পৌরসভার জন্য স্বাস্থ্য সংশ্লিষ্ট জনবলের চাহিদা নিরূপণ করবে এবং একটি ‘‘মডেল জনবল কাঠামো’ সূজনের প্রয়োজনীয় কার্যক্রম গ্রহণ করবে। এ জনবল কাঠামোতে অন্তর্ভুক্ত সকল ধরনের চিকিৎসক, নার্স এবং অন্যান্য কারিগরি পদের পদায়ন স্বাস্থ্য সেবা বিভাগ ও স্বাস্থ্য শিক্ষা ও পরিবার কল্যাণ বিভাগ থেকে নির্বাহ করা হবে। মডেল জনবল কাঠামোর আওতায় উল্লিখিত পদসমূহ সূজিত না হওয়া পর্যন্ত স্বাস্থ্য সেবা বিভাগ এবং স্বাস্থ্য শিক্ষা ও পরিবার কল্যাণ বিভাগ হতে বিভিন্ন সিটি কর্পোরেশন ও জেলা সদরের পৌরসভার কারিগরি পদগুলোতে পর্যায়ক্রমে সংযুক্তিতে জনবল পদায়ন করা হবে। পদায়নকৃত জনবলের বেতনভাত্তা স্বাস্থ্য সেবা বিভাগ এবং স্বাস্থ্য শিক্ষা ও পরিবার কল্যাণ বিভাগের বাজেট হতে নির্বাহ করা হবে।
৩. সিটি কর্পোরেশন ও পৌরসভাসমূহ প্রাথমিক স্বাস্থ্য সেবা, পুষ্টি ও পরিবার কল্যাণ সেবা নিশ্চিত করার জন্য স্বাস্থ্য সেবা প্রদান সংশ্লিষ্ট বিভাগ/শাখা, হাসপাতাল, স্বাস্থ্য কেন্দ্রের সহায়ক কর্মকর্তা-কর্মচারীদের প্রয়োজনীয় পদ সূজন ও শূন্য পদ পূরণসহ সাংগঠনিক কাঠামো হালনাগাদ করবে। এ সকল অ-কারিগরি পদসমূহে কর্মচারীদের বেতন ভাত্তা সংশ্লিষ্ট সিটি কর্পোরেশন ও পৌরসভাসূচ স্বাস্থ্য সেবা প্রদানের প্রয়োজনীয় অবকাঠামোগত উন্নয়ন, লজিস্টিক্স সহায়তা প্রদান ও কাজের যথাযথ পরিবেশ নিশ্চিত করবে।

(খ) নগর এলাকায় প্রাথমিক স্বাস্থ্যসেবা, পুষ্টি ও পরিবার কল্যাণ সেবার কৌশল নির্ধারণ, পরিকল্পনা ও কার্যক্রম পরিচালনা:

১. সিটি কর্পোরেশন ও পৌরসভাসমূহ স্ব এলাকায় প্রাথমিক স্বাস্থ্য ও পুষ্টি সেবার জন্য স্বাস্থ্য ও পরিবার কল্যাণ মন্ত্রণালয়ের সাথে যৌথভাবে জাতীয় কর্মসূচিসমূহ বাস্তবায়ন করবে এবং বেসরকারি প্রতিষ্ঠান ও এনজিও কর্তৃক পরিচালিত স্বাস্থ্য ও পুষ্টি সেবা কার্যক্রমের সমন্বয়, তত্ত্বাবধান ও পরিবীক্ষণ করবে।
২. স্থানীয় সরকার বিভাগ স্বাস্থ্য ও পরিবার কল্যাণ মন্ত্রণালয়ের সাথে আলোচনাক্রমে নগর স্বাস্থ্য বিষয়ক নীতি, কৌশলপত্র পরিকল্পনা ও প্রণয়ন এবং কর্মসূচি গ্রহণ করবে।

(গ) অর্থায়ন, লজিস্টিক এবং উপকরণ সরবরাহ:

১. জাতীয়ভাবে নগর এলাকায় স্বাস্থ্য ও পুষ্টিসেবা কার্যক্রম পরিচালনার মূল তহবিল/বরাদ্দ স্বাস্থ্য সেবা বিভাগ এবং স্বাস্থ্য শিক্ষা ও পরিবার কল্যাণ বিভাগের অধীনে থাকবে। এই তহবিল/বরাদ্দ হতে অর্থায়ন প্রক্রিয়া অর্থ বিভাগের সাথে আলোচনাপূর্বক নির্ধারণ করা হবে। স্বাস্থ্য ও পরিবার কল্যাণ মন্ত্রণালয় তাঁদের নির্ধারিত তহবিল থেকে স্থানীয় সরকার প্রতিষ্ঠানসমূহের প্রয়োজনীয় লজিস্টিক (যেমন- যন্ত্রপাতি, ঔষধ ও আনুষঙ্গিক জিনিসপত্র) সরবরাহ করবে এবং প্রশিক্ষণসহ সকল জাতীয় কর্মসূচীর উপকরণ সরবরাহের ব্যবস্থা গ্রহণ করবে।

২

২. স্থানীয় সরকার বিভাগ নগর এলাকায় স্বাস্থ্য ও পুষ্টিসেবা কার্যক্রম পরিচালনার জন্য থোক বরাদ্দ প্রদান করবে। স্থানীয় সরকার প্রতিষ্ঠানসমূহ তাদের আয়ের একটি নির্দিষ্ট অংশ এ সংক্রান্ত কাজে ব্যয় করবে। স্থানীয় সরকার প্রতিষ্ঠানসমূহ স্বাস্থ্য বিভাগীয় অ-কারিগরি পদের কর্মীদের বেতন ভাতাদির জন্য প্রয়োজনীয় অর্থ নিজস্ব তহবিল থেকে বরাদ্দ করবে এবং প্রয়োজনীয় দৈনন্দিন মেরামত ও রক্ষণাবেক্ষণের জন্য নিজস্ব তহবিল থেকে ব্যয় করবে। স্থানীয় সরকার প্রতিষ্ঠানসমূহকে স্ব স্ব রাজস্ব আয় বৃদ্ধির মাধ্যমে পর্যায়ক্রমে স্বাস্থ্য ও পুষ্টিসেবা কার্যক্রম পরিচালনার সক্ষমতা অর্জন করতে হবে।

(ঘ) মনিটরিং, মূল্যায়ন এবং রিপোর্টিং:

১. স্বাস্থ্য ও পরিবার কল্যাণ মন্ত্রণালয়ের নগর স্বাস্থ্য বিষয়ক কর্মসূচি পরিকল্পনা, মনিটরিং, মূল্যায়ন ও প্রতিবেদন তৈরী প্রক্রিয়ায় স্থানীয় সরকার প্রতিষ্ঠানের (সিটি কর্পোরেশন ও পৌরসভা) স্বাস্থ্য সেবা ও পুষ্টি কার্যক্রমকে অন্তর্ভুক্ত করবে। জাতীয় ও স্থানীয় পর্যায়ে স্বাস্থ্য সেবা বিভাগ/স্বাস্থ্য শিক্ষা ও পরিবার কল্যাণ বিভাগ, স্বাস্থ্য অধিদপ্তর/পরিবার পরিকল্পনা অধিদপ্তর কর্তৃক আয়োজিত পর্যালোচনা সভায় স্থানীয় সরকার প্রতিষ্ঠানসমূহ স্বাস্থ্য সেবা সংক্রান্ত তথ্যাদি নিয়মিত স্বাস্থ্য বিষয়ক জাতীয় তথ্য ভাওরে (ডিএইচআইএস-২) অন্তর্ভুক্ত করবে।
২. স্থানীয় সরকার বিভাগ, স্বাস্থ্য ও পরিবার কল্যাণ মন্ত্রণালয় কর্তৃক আয়োজিত কর্মসূচি পরিকল্পনা ও পর্যালোচনা সভায় অংশগ্রহণ করবে এবং স্বাস্থ্য ও পরিবার কল্যাণ মন্ত্রণালয়ের নির্দেশনা/অনুরোধক্রমে স্বাস্থ্য ও পুষ্টি বিষয়ক কার্যক্রম পরিচালনায় স্থানীয় সরকার প্রতিষ্ঠানসমূহের কাজের মনিটরিং করবে; এবং
৩. স্থানীয় সরকার প্রতিষ্ঠানসমূহ জাতীয় ও স্থানীয় পর্যায়ে স্বাস্থ্য ও পরিবার কল্যাণ মন্ত্রণালয় কর্তৃক আয়োজিত পর্যালোচনা সভায় অংশগ্রহণ করবে।

(ঙ) বিবিধ:

১. প্রাথমিক পর্যায়ে দেশের সকল সিটি কর্পোরেশন ও জেলা শহরের সকল পৌরসভায় প্রাথমিক স্বাস্থ্য ও পুষ্টি সেবা প্রদান কার্যক্রম শুরু করা হবে।
২. নগর স্বাস্থ্য সেবা প্রদান সংক্রান্ত সকল কার্যক্রমে সংশ্লিষ্ট জেলার সিভিল সার্জন/উপপরিচালক, পরিবার পরিকল্পনা এবং উপজেলা স্বাস্থ্য ও পরিবার পরিকল্পনা কর্মকর্তা সমন্বয় করে কাজ করবে। এ বিষয়ে সকল সিটি কর্পোরেশন, পৌরসভা, সিভিল সার্জন/উপপরিচালক, পরিবার পরিকল্পনা ও উপজেলা স্বাস্থ্য ও পরিবার পরিকল্পনা কর্মকর্তা প্রয়োজনীয় পদক্ষেপ গ্রহণ করবেন।
৩. স্থানীয় সরকার প্রতিষ্ঠানসমূহ প্রয়োজনে পাবলিক প্রাইভেট পার্টনারশিপ পদ্ধতিতে নগর অঞ্চলে প্রাথমিক স্বাস্থ্য সেবা প্রদানের জন্য কার্যকরী পদক্ষেপ গ্রহণ করতে পারবে।
৪. National Urban Health Strategy 2020 এর আলোকে Urban Health Co-ordination Committee এবং Urban Health Working Group প্রয়োজনীয় কর্মপরিকল্পনা প্রণয়ন করবে। স্বাস্থ্য ও পরিবার কল্যাণ মন্ত্রণালয় এবং স্থানীয় সরকার বিভাগ Urban Health Co-ordination Committee এবং Urban Health Working Group-এর সুপারিশসমূহ বিবেচনাপূর্বক স্ব স্ব অধিক্ষেত্রে এতদসংক্রান্ত প্রয়োজনীয় অফিস আদেশ জারি করবে।
৫. নগর এলাকায় প্রাথমিক স্বাস্থ্য সেবা প্রদান বিষয়ে স্বাস্থ্য সেবা বিভাগ, স্বাস্থ্য শিক্ষা ও পরিবার কল্যাণ বিভাগ এবং স্থানীয় সরকার বিভাগের মধ্যে কোন মতান্বেতত্ব দেখা দিলে মন্ত্রিপরিষদ বিভাগ হতে প্রয়োজনীয় নির্দেশনা/পরামর্শ গ্রহণ করা হবে।

(চ) জনস্বার্থে এ আদেশ জারি করা হলো এবং তা অবিলম্বে কার্যকর হবে।

মোঃ আহমদ
সিনিয়র সচিব
স্থানীয় সরকার বিভাগ

নম্বর: ৪৬.০০.০০০০.০৭০.১৪.০০১.১৫(অংশ-১).৩০০/১(৫০০)

তারিখ: ০৮ চৈত্র ১৪২৭
২২ মার্চ ২০২১

অনুলিপি সদয় অবগতি ও প্রয়োজনীয় ব্যবস্থা গ্রহণের জন্য প্রেরণ করা হল (জ্যোষ্ঠতার ক্রমানুসারে নয়):

১. মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা
২. প্রধানমন্ত্রীর মুখ্য সচিব, প্রধানমন্ত্রীর কার্যালয়, পুরাতন সংসদ ভবন, তেজগাঁও, ঢাকা
৩. সিনিয়র সচিব, অর্থ বিভাগ, বাংলাদেশ সচিবালয়, ঢাকা
৪. সচিব, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়, বাংলাদেশ সচিবালয়, ঢাকা
৫. সচিব, স্বাস্থ্য শিক্ষা ও পরিবার কল্যাণ বিভাগ, বাংলাদেশ সচিবালয়, ঢাকা
৬. সচিব (সমবয় ও সংস্কার), মন্ত্রিপরিষদ বিভাগ, বাংলাদেশ সচিবালয়, ঢাকা
৭. বিভাগীয় কমিশনার, বিভাগ (সকল)
৮. মহাপরিচালক, স্বাস্থ্য অধিদপ্তর, মহাখালী, ঢাকা-১২১২
৯. মহাপরিচালক, পরিবার পরিকল্পনা অধিদপ্তর, কারওয়ান বাজার, ঢাকা
১০. অতিরিক্ত সচিব (নগর উন্নয়ন), স্থানীয় সরকার বিভাগ, বাংলাদেশ সচিবালয়, ঢাকা
১১. অতিরিক্ত সচিব (উন্নয়ন) এবং প্রকল্প পরিচালক, European Union (EU) Support to Health and Nutrition to the Poor in Urban Bangladesh শীর্ষক প্রকল্প।
১২. প্রধান নির্বাহী কর্মকর্তা, সিটি কর্পোরেশন (সকল)
১৩. যুগ্মসচিব (নগর উন্নয়ন-১/ নগর উন্নয়ন-২/ নগর উন্নয়ন-৩), স্থানীয় সরকার বিভাগ, বাংলাদেশ সচিবালয়, ঢাকা
১৪. মাননীয় মন্ত্রী'র একান্ত সচিব, স্থানীয় সরকার, পল্লী উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা
১৫. প্রকল্প পরিচালক, Urban Primary Health Care Services Delivery Project (২য় পর্যায়) শীর্ষক প্রকল্প।
১৬. জেলা প্রশাসক, (সকল)
১৭. উপসচিব (সি.ক.-২/ পৌর-১/ পৌর-২/ নগর উন্নয়ন-১), স্থানীয় সরকার বিভাগ, বাংলাদেশ সচিবালয়, ঢাকা
১৮. উপপরিচালক, বাংলাদেশ ফরম্স ও প্রকাশনা অফিস, তেজগাঁও, ঢাকা (পরিপত্রিত প্রকাশের অনুরোধ করা হল)
১৯. মেয়র, (সকল পৌরসভা)
২০. সিনিয়র সচিবের একান্ত সচিব, স্থানীয় সরকার বিভাগ, বাংলাদেশ সচিবালয়, ঢাকা
২১. প্রোগ্রামার, স্থানীয় সরকার বিভাগ, বাংলাদেশ সচিবালয়, ঢাকা (পরিপত্রিত এ বিভাগের ওয়েবসাইটে প্রকাশের অনুরোধ করা হল)


নুমেরী জামান
উপসচিব
ফোন: ৯৫৭৩৬২৫
ই-মেইল: lgcc1@lgd.gov.bd